

軍 事

兩江總督端升任江蘇巡撫陳前江北提督廕長江水師提督程會
奏巡緝長江詳細章程摺

十四

正月

兩江總督端升任江蘇巡撫陳前江北提督廕長江水師提督程會奏巡緝長江詳細

章程摺 章程附

竊照本年_未六月初八日奉

電旨沿江一帶匪徒充斥亟應嚴密查緝著會商妥議詳

細具奏並著程文炳常川梭巡勿得拘牽分閱上下游常例等因欽此又於六月二十日准
軍機大臣字寄六月十一日奉 上諭現在人心不靖隱患宜防應如何佈置以期有備

無患之處著沿江沿海各督撫體察情形妥籌辦理等因欽此遵經臣等會商升任湖廣督
臣張之洞安徽撫臣馮煦江西撫臣瑞良湖南撫臣岑春煊籌議嚴密探訪整頓水師預備
精兵二條並擬盤查軍火以杜接濟明定賞罰以示勸懲各節擇要電請軍機處代奏奉

諭旨所籌尚屬周妥著即妥速籌辦認真防緝等因欽此隨經臣端方督同督練公所巡
警總局擬議詳細巡緝章程與臣夔龍蔭昌往返商酌旋臣文炳由上游巡緝回甯復將整
頓長江水師事宜會同詳加釐定正具奏間旋奉 電旨飭令分催各省迅將詳細章程

奏報等因欽此又經電催鄂湘皖贛各省妥速籌議具奏一面電請代奏在案查長江古稱
天塹自吳淞以至岳州上下數千餘里連亘五省伏莽素多而當江海之衝者尤以江蘇為
最要蘇省海岸東北界山東日照東南至金山場經途四達港汊紛歧太湖內達支河外通

海口兼與浙省界連向有梟匪幫匪及各項會匪往來嘯聚甚至連檣列械拒敵官兵近來革命匪黨到處煽惑復有 爲之黨魁時由外洋接濟軍火費用蹤跡詭祕黨羽繁多並

有勾結梟匪起事之說非廣設偵探無以探實匪蹤非預備精兵無以速平匪亂現將巡緝隊艦隊議訂詳細章程飭令各司官及各隊官等切實遵辦平時則分路巡查各專責任有警則彼此知會互作應援惟蘇省自吳淞起歷江陰鎮江金陵抵安徽界爲止地段綿長口岸林立深恐匪黨因水路巡緝嚴緊潛往陸路煽惑並將江南新練陸軍及舊有之巡防隊畫分地段嚴定章程責令認真查緝至江南第九鎮三十四標步隊上年^丙曾派往江西萍鄉等處會剿匪亂本年復派往安慶省城彈壓著有勤勞又三十六標步隊現駐江陰巡緝亦頗得力該二標俱係精練之兵於剿匪弭亂事宜研究有素飭令時常戒備遇有匪徒蠢動立即馳往會同該處防營及艦隊水師合力剿辦該匪初起人必不多心必不一有此勁旅當可立時撲滅第緝匪一事易於騷擾更恐有妄拿平民以邀功者茲經嚴切誥誨並明定懲辦章程如有株累無辜任意擾害等事立即從嚴究懲倘有情節較重者並當奏請明正典刑以昭炯戒而杜流弊長江水師自江蘇江陰起至湖南岳州止共有二十二營前督臣曾國藩原訂章程極爲周妥臣文炳忝領水師責無旁貸且欽奉 諭旨誥誨諄諄

軍 事

兩江總督端升任江蘇巡撫陳前江北提督蔭長江水師提督程會
奏巡緝長江詳細章程摺

十五

戊申

軍 事

兩江總督端方任江蘇巡撫陳龍江北提督蔭昌長江水師提督程曾

十六

正月

自當督同查照向章實力整頓現將江面畫分六段派令各鎮將按段巡防以杜推諉並派
 奏調江南差委湖北候補道孫廷林為長江水師督查營務處籌辦一切事宜在於提標及
 瓜湖兩鎮標酌撥師船三十艘交給應用水師舊有礮船形式不免笨重茲經江鄂兩省撥
 給兵輪由臣文炳不時赴上下游督率巡查一面多購線勇廣為查探匪蹤密拿務獲解報
 所有整頓水師詳細章程係臣文炳籌議與臣端方等酌核意見相同擬即分咨鄂湘皖贛
 等省一體照辦太湖等處梟匪向為江浙兩省隱患原統鹽捕等營江蘇候補道徐廣陸業
 已病故當經臣端方臣陳夔龍與浙撫臣張曾敷往返電商即派江南提臣劉光才兼統鹽
 捕等營與提標各營及飛划各營聯絡一氣查緝較易得手上海吳淞濱海一帶關係重要
 現雖酌派步隊駐防兵力究嫌單薄已商由提督薩鎮冰協同查緝遙作聲援此外海州等
 處海口亦為匪徒出沒之區經臣蔭昌擇派得力營隊會同統帶淮北緝私營李定明海州
 營參將戴鶴松協力巡防以禦外匪並責成地方官將巡警事宜切實整頓以清內訌似此
 水陸兼籌互相策應庶可收通力合作之效而免鞭長莫及之虞日昨欽奉 上諭著雲
 南提督夏辛酉統帶所部酌量添募營隊前往長江一帶扼鎮駐紮作為長江遊擊之師等
 因欽此有此重兵復得威至素著之大員以統率之沿江防務益臻周密 聖謨深遠欽

佩莫名惟近來匪夥黨之盛半由於說之橫行半由於生機之困乏現在迭降 綸

音消除滿漢畛域並飭將立憲政體次第實行所有排滿革命一切邪說自可不攻自破上年江北奇災饑民甚衆深恐匪黨糾結爲患幸賴 聖恩廣被工賑兼籌百萬災黎咸資

安集然各處無業游民尙屬不少現由臣端方等督率司道酌籌款項設立貧民習藝所收

養無業窮民教以各項工藝務令謀生有術俾可消患無形似與緝匪弭亂之道不無裨益

所有籌議長江巡緝總章八條及巡緝隊艦新舊陸營長江水師各詳細章程繕具清單恭

呈 御覽臣等仍當會商沿江沿海各督撫及該提臣夏辛酉隨時認真防緝以仰副

朝廷綏靖南服有備無患之至意謹 奏

謹將長江巡緝事宜章程八條繕具清單恭呈 御覽 一區畫辦法略分五項(一)設

立巡緝隊責令偵查革命黨匪嚴密緝拿並兼伺察各種會匪梟匪盜匪毋令蔓延(二)整

頓水師撥艦換礮籌濟探訪經費由臣文炳督率不分晝夜切實梭巡(三)暫編長江艦隊

專派知兵幹員統管遇有匪警立即前往查辦(四)配備軍隊水師艦隊難以兼顧陸路江

南舊有陸軍汰弱留強改編巡防隊者計三十餘隊所有沿江重要處所均派巡防隊駐紮

以靜制動其有口岸市場以及匪類出沒之藪隨時輪派棚伍前往巡查(五)分駐新軍近

軍 事

兩江總督端方任江蘇巡撫陳前江北提督蔭長江水師提督程會
奏巡緝長江詳細章程摺

十七

戊申

軍事

兩江總督端升任江蘇巡撫陳龍江北提督蔭長江水師總督劉

十八

正月

來各處匪亂均係變起倉猝精兵所至匪衆自潰江南第九鎮三十四標及三十六標於剿匪弭亂之道俱能研究有素茲擬作爲遊擊之師俾取首尾相應之效 二巡緝消息固期靈通聲勢更須聯絡凡巡緝隊艦隊水師以及新舊軍隊雖各有所司專其職任然亦須互相聯合援應以收一氣呵成之效不得心存推諉貽誤事機 三近日革黨與尋常盜賊不同必須選擇精明幹練之偵探員不盡拘以文法始易得其蹤跡現就巡緝隊長江水師認真整飭多養有識線勇無論何隊均給以一二之憑紙查得匪類應立時掩捕者就近報知該處之兵輪師船或江岸之軍隊合力掩捕各地方官亦宜隨時協助以資得力 四嚴杜接濟軍火查匪徒軍火多附輪船私運停泊吳淞口外往往用釣船駁船潛運至崇明寶山交界處所又或停泊江陰口外雇用民船或旁託奸商或自充賈販潛運內地應飭關道會同稅務司嚴行盤查至吳淞江陰等口岸並責成水陸營隊扼要巡邏嚴加稽察務使有犯必獲以杜接濟不得藉端騷擾滋累行客 五沿江各省前次電奏聲明詳細章程由各省妥籌分別具奏願辦法雖難悉合而事機本屬相因擬將現訂章程咨商各省其有情形相類可以聯合辦理者務宜協同援應以收通力合作之效遇有警耗迫不及待者亦須一面相機辦理一面關會鄰近各省不得稍分畛域 六革命黨人行蹤詭祕偵探既難誣陷亦

易意存周內固將禍及平人舉動張皇亦恐轉滋騷擾凡一切偵查逮捕之事應依法律究明其根據不可操切從事 七革黨近知各關盤查甚嚴輪船難以朦混往往改坐民船闖入內地然若由艦隊水師一律搜查深恐別滋騷擾擬責成各州縣飭由水保正會同船行將境內所有船隻一律清查編號如有外來形跡可疑之船設法盤查勿稍疎縱一面飭由各釐卡凡遇經過貨船於查驗客貨時留意稽察如有夾帶軍火立即會同地方文武將其拿獲並將船隻扣留惟不得藉端需索留難致干查究 八明定賞罰以昭懲勸凡訪明拿獲匪類按其情罪之輕重捕拿之難易應分別獎賞計分三項曰奏保曰外獎曰賞格如有通匪故縱知而不拿拿而不力或藉端滋事誣陷無辜誤拿平人等事應分別參罰計分五項曰抵罪曰反坐曰參處曰監禁曰責罰 以上八條皆就臣等前次電奏三項辦法推陳其義現已實力舉行其在通都商埠如上海鎮江甯等處整飭巡警切實稽查以輔營隊查緝所不及如有未盡事宜容臣等隨時察看情形斟酌辦理

護理四川總督趙奏川省陸軍編練情形摺

竊維上年^丙練兵處會同兵部奏定陸軍營制餉章請 旨飭令各省次第編練時值甯遠告警巴塘番亂川省常備軍七營已調四營分馳征剿留省無多經前督臣錫良奏明暫

軍 事

護理四川總督趙奏川省陸軍編練情形摺

十九

戊申